

大方廣圓覺經
講義

能海敬題

上海圓明講堂敬印

大方廣圓覺經講義

公元一九九四年歲次甲戌十月

普为助印附印功德回向

愿以此功德

庄严佛净土

上报四重恩

下济三涂苦

若有见闻者

悉发菩提心

尽此一报身

同生极乐国

著述者

再版者

藏版处

流通处

再版貳千册

圓瑛法師

上海市佛教协会

地址：上海市安远路一六〇号
电话：二五三七〇八三号

上海圓明讲堂

地址：上海市延安西路四三四号
电话：二四八二八四六号

上海圓明讲堂

地址：上海市延安西路四三四号
电话：二四八三九六八号

电话：二四八三七七四号
传真：二四八二八四六号

邮编：二〇〇四〇号

諸供養中法供養寂音知
佛法可以覺悟人心維持世道
若依之修證必能離苦得樂
普願自覺覺他轉轉勸化同
發菩提心齊成無上道

三求堂主人園瑛題



圓瑛老法師德相

求福求慧求生淨土



念佛念法念侶僧伽

願消累劫諸

業障願得福

慧日增長願

盡此身出安

樂願佛接引

生安養 辛巳

秋園瑛自題



潮音花雨滿人間

圓瑛法彙再版

趙

樸初



大方廣圓覺修多羅了義經講義序

清涼云。大以曠兼無際。方以正法自持。用則稱體而周。具此三義。故名圓覺。修多羅此云契經。謂契理。契機故。契經中。有了義不了義。如來爲人天二乘說不了義教。以器小不堪擔荷大法故。唯佛一人獨得覺性。爲菩薩乘說了義教。以根大能擔荷大法故。一切衆生皆得作佛。然對機說教。雖各不同。而契理契機。實無有二也。此經直顯一切衆生本來成佛。名爲圓覺。直截分明。毫無隱覆。此則契經中了義之契經。非不了義契經也。

圭峯曰。余心宗圓覺。但以競辨屈於妙義。龍藏倦於靈文。顯性之教沉埋。名相之宗鼓舞。由是革舊風規。成新教化。黜權抑小。立頓張圓。使第一義天。星辰羅列。大圓鏡智。影像昭彰。况復偏宗此卷。誓廣弘宣。二十餘年。三復玄致。輪王髻寶。大雲心傳。長者家珍。清涼手授。所以內依觀智。外託誠文。冥己身心。隨應解釋。

今我瑛兄始契楞嚴三觀。次精圓覺三身。造茲講義。普被上根。諸輪綺互。單復圓修。四相潛神。非覺違拒。四病出體。心華發明。慈願追隨。末後長中下期。克念攝念而加行。別徧互習。業障惑障而消亡。成就慧身。靜寂覺徧。百千世界。佛境現前。是以聞五種名。超刹寶施。福說半偈義。勝河沙妙門。實由無法不持。無機不被者也。如善財不出道場。徧歷百城之

法。猶海幢常冥寂定。廣開佛事之門。圓覺宗通。第一義諦。大悟而豈假他求。內證而應須自決。似冰含水。融通而豈有凡聖等殊。如金與鑲。展轉而更無佛生差別矣。

公元一九五二年仲冬拈華老人應慈謹撰

自序

夫圓覺一法。冠以大方廣三義。大者當體得名。橫絕邊涯。豈無底止。方者正也。以正智照了。恆沙功德之相。廣者多也。有自在無礙任運隨緣之用。聖凡同秉。生佛一如。爲諸佛之本源。實衆生之心地。自從元明失照。枉受輪迴。衆生日用不知。迨至復本心源。證入涅槃。諸佛究竟無得。不變隨緣。隨緣不變。譬如水隨冷氣之緣結之成冰。冰隨暖氣之緣溶之爲水。然冰水雖殊。而濕性如故。本覺湛然。衆生終日罔覺。法身流轉。如來所以興嗟。知萬法不出自心。悟一真本居實際。今圓覺經者。玄妙難思。蓋稱性之極軌也。寂光無土。依受用而現身。妙德垂詢。說因地之法行。一切如來。本起因地。皆依圓照。清淨覺相。永斷無明。方成佛道。圓覺之性。實無可修。但以自性之光明。圓照清淨之覺相。離念頓入。當處了知。此知卽是大智慧光明。照破無明。無體可得。則無明頓斷。佛道方成。次告普賢。一切幻化。皆生如來。圓覺妙心。不了如幻。是名不覺。若知幻化。卽已離幻。是名爲覺。乃結答云。知幻卽離。不作方便。如人夢身生瘡。求醫施藥。既知是夢。卽已離夢。不須更作方便。離幻卽覺。亦無漸次。如夢瘡之人。既已離夢。卽爲醒覺。覓瘡了不可得。亦無須用藥。漸次求愈也。次告普眼。欲求如來。淨圓覺心。應當正念。遠離諸幻。幻身滅故。幻心亦滅。幻心滅故。幻

塵亦滅。幻塵滅故。幻滅亦滅。幻滅滅故。非幻不滅。即是修行。漸次深入。次告金剛藏。聞前章說。圓覺普照。寂滅無二。始知衆生。本成佛道。遂起深疑。卽伸三難。一以真難妄。若諸衆生。本來成佛。惟是一真。何故復有一切無明之妄。二以妄難真。若諸無明妄法。衆生本有。何因緣故。如來復說。本來成佛。三真能生妄。若諸異生。本來成佛。後起無明。此乃真能生妄。一切如來。已經返妄歸真。何時復生。一切煩惱。此皆根心之疑。能障大乘正信。佛卽答云。虛空本不生華。真金理無重鑛。次告彌勒。一切衆生。由無始際。種種恩愛貪欲。是故能令生死相續。由本貪欲。發揮無明。顯出五性。差別不等。欲泛如來大圓覺海。先當發願。勤斷二障。二障已伏。卽能悟入菩薩境界。若事理障。已永斷滅。卽入如來微妙圓覺。次告清淨慧。圓覺自性。本非差別之性。因衆生迷倒。未能滅除。一切幻化。於滅未滅。妄功用中。便顯差別。不能同佛受用。一切煩惱。畢竟解脫。以示漸次差別。復爲一類大根衆生。以示圓頓隨順。平等安心之法。居一切時。不起妄念。於諸妄心。亦不息滅。住妄想境。不加了知。於無了知。不辨真實。謂以衆生日用。不起絲毫妄念。同佛作用。本地風光。於諸妄想之心。了知全妄。卽真。亦不息滅。雖住妄想之境。以境從心起。原是自心。本是一真。何用了知。於無了知處。但能知既寂。卽是真知。故不辨真實也。因而信受。不生驚畏。是則名爲隨順覺性。次告威德自在。無上大覺。本無二相。隨諸方便。便有三類。所謂奢摩他。如鏡照。

像。三摩提。如苗漸長。禪那寂滅。如器中鏗。此三法門。十方如來。及諸菩薩。三事圓證。名。究竟涅槃。次告辯音。一切菩薩。無礙清淨慧。皆從禪定生。依頓漸修習。便有二十五種。清淨定輪。單復無非圓修。別徧意在互習。若能隨順修習。不久便證涅槃。次告淨諸業障。衆生由執我故。認四顛倒。爲實我體。因此便生憎愛。不了迷識。與迷智二種四相。無始妄流轉。不得成菩提。若能除滅貪瞋癡。法愛不存心。自可漸次成就。次告普覺。求善知識。當求正知見人。心遠二乘。除作止任滅四病。親近無憍慢。遠離無瞋恨。依正智慧而修。便能證於涅槃。次告圓覺。衆生欲求無上道。先要結三期。懺悔無始業。經於三七日。然後正思惟。勤修三淨觀。若能勤修習。是名佛出世。次告賢善首。是經爲如來守護。菩薩歸依。十二部經。清淨眼目。佛自定五名。今特取其二。末世衆生。依此修持。漸至佛地。雖爲頓教大乘。亦攝漸修羣品。是經力用廣大。無機不被。從可知矣。余也。頻年鑽紙。心心惟仰大乘。一覺傳燈。處處咸依自性。既詮楞嚴奧旨。妙妙心聞。復注圓覺契經。塵塵智入。布舟航於覺海。敢詡爲鼓棹之人。數名相於義天。自笑乃擔板之漢。忘言默契。願爲執鞭。入海算沙。從茲擱筆。是爲序。

時壬辰仲冬阿彌陀佛聖誕良辰七五老衲圓瑛宏悟序於上海圓明講堂

禪教律淨四宗 向上一條路寂照貴雙
行勇緣齊放下知解亦不生佛綿與密密
祇許起疑情大疑有大悟心地自然明

如來所說法如指肉示人因指當看月依
教要觀心說余不能飽教實莫濟貪休殺
文字障執藥病更深 五篇與三聚定慧

此為基我佛有遠隔當以戒為師身口與
素業止作要變持皎潔若冰霜疾趨佛善
提 淨土之法門為修行捷徑一念止衆

念方便宗殊勝心中惟有佛念念以相應
橫超出三界無生忍速證庚辰四月錄

圓瑛老法師遺墨

圓珠老法師紀念堂生光

高僧多宿願圓公禪淨兼行一貫道
參透楞嚴玄妙音悟明般若寶相宗
絕念堂成留線踐道深德重千秋崇
利生愛國護聖教培育後昆抄火劫

弟子明暢寫於圓明塔堂

一生行与不住相
海山来去空依傍
那计驢车與馬车
东西南北安禅杖
今编车谱去何足
踏雪为步步通本末
因緣年月記津梁
後學出婆娑

弟子明揚敬題

圓瑛大師法語

諸法門中 念佛第一

直捷圓頓 無倫無匹

信願力行 務求真實

但得往生 大事已畢

南無阿彌陀佛

願消累劫諸業障

願得福慧日增長

願盡此身出娑婆

願佛接引生安養

辛巳秋園瑛自題



佛尾牟迦釋師本無南



大方廣圓覺修多羅了義經講義卷第一

上海圓明講堂沙門圓瑛弘悟講 受法門人雪相戒淨敬錄

今講此經。依賢首宗開啓十門。賢宗十門。前八門是懸示。第九門總釋名題。第十門講解經文。今爲便利聽衆起見。移第九門總釋名題。而爲第一。令人一聽。即得領知總題名義。然後研究諸門。有所標準。不致茫然。十門者。

- 甲初總釋名題
 - 二教起因緣
 - 三藏乘攝屬
 - 四體性深遠
 - 五能詮教體
 - 六所被機宜
 - 七宗趣分別
 - 八力用殊勝
 - 九傳譯流通
 - 十講解經文
- 今初

大方廣圓覺修多羅了義經卷上

此經共有五名。乃如來金口。親自命名。一、大方廣圓覺陀羅尼。二、修多羅了義。三、秘密王三昧。四、如來決定境界。五、如來藏自性差別。爲要事周義盡。如來故說五名。求其簡略切要。結集且標兩號。而於第一名。復略陀羅尼三字。第二題全取。共十一字。上十字是所詮法義。後一字是能詮文字。能所合成一經名題。名者。實之寶也。循名務必核實。題者。經之